

Frid.  
Zobelii  
Parata-  
nologia







K

N. 209

N. VII. p.  
17

53485 / A

add. 1) verheft 4



K

- 1) ZOBELL, F.
- 2) WEDEL, G. W.
- 3) TENTAMEN

2. 61



T

Natu

Dis

P

V

In

S

L

A




*Tentamen Medicum,*

D E

Natura, Causis, Temporibus,  
Differentiis, Signis Diacriticis,  
Prognosticis, Medelaque

**VARIOLARUM:**

*In gratiam Tyronum in Medici-  
exaratum.*



LUGDUNI BATAVORUM,  
Apud { ARNOLDUM DOUDE,  
&  
FELICEM LOPEZ.

M. DC. LXXV.

Petrus A. Medicus

Tractatus de  
Dysenteria  
et Hemorrhoidibus

VARIA

in Clinica  
Museum


DE  
MEDICINA  
ET  
CHIRURGIA



LIBRARY  
MUSEUM  
APUD  
EFFICIUM LOKER  
M.D.C.LXXV

Cur

A  
an  
riolar  
tus, n  
Cete  
Arab  
notat  
curia  
stima  
gnitu  
pocr  
i  
lenu  
rosa  
cap.  
Cista



**A**ffectus ad quem elucidandum  
 animum appuli, nomine Va-  
 riolarum (à varis dictarum) insigni-  
 tus, nunc dierum vulgò notissimus.  
 Cæterum an antiquis Græcis ante  
 Arabum tempora fuerit notus &  
 notatus, lis versatur literaria. Mer-  
 curialis novum esse morbum exi-  
 stimavit veteribusque Græcis inco-  
 gnitum. Aliorum sententia est Hip-  
 pocratem hunc morbum, nomine  
 ἐξανθημάτων ἐρυδρῶν σπογγύλων σμίκρων, Ga-  
 lenumque per exanthemata ulce-  
 rosa indigitasse, *lib. 5. Meth. Med.*  
*cap. 10. & 12. Videtis Thomæ Barth.*  
*Cistam medicam p. m. 592.*

## C A P. I.

*De Natura & causis Variolarum.*

**I**N diversas abeunt sententias artis Apollineæ Heroës de Causa hujus morbi: morbum esse commune experienciâ compertum est, & ex effato Hippocratis, Communes morbi communem agnoscunt causam. Attamen in hac causâ assignandâ variè disputant Medici. Nonnulli causam constituunt peculiarem quandam aëris intemperiem ab occultis astrorum influentiis, vel dispositione mala Atmospheræ globi terraquei oriundam. Vide *Fernel.* l. 2. de abditis rerum causis c. 12. Facilis concedo ἀνομαλίαν aëris esse causam evidentem hujus morbi, at non solitariam; unde pro variâ aëris constitutione nunc benignæ, nunc malignæ evadunt Variolæ.

An-

Anno 1654. Oxoniæ circa Autumnum Variolæ latissimè grassabantur, tamen plurimi evaserunt. Circiter annum 1649. rarior erat hic morbus, tamen plurimi ex eo interibant, uti Will. noster Reip. medicæ decus memoriæ prodidit, l. de Febris, p. 260. *Amstelodami grassabantur Variolæ sub initium anni 1669: Ut de centum circiter & triginta funeribus quæ singulis efferebantur hebdomadibus, centena essent puerorum hæc plagâ puerili extinctorum, inquit Kerckringius Obs. anat. 62. p. 126. Annis 1671. & 1672. Variolæ multos comitatus in Anglia pervasere malorum symptomatum satellitio stipatæ, nimirum, macularum rubrarum, purpurearum, violacearum, & in nonnullis parotidum, ex iisque multi fati concessere; ex nostro oppidulo & parochiâ circiter 66. Prosper Alpinus l. 1. p. 25.*



de Ægyptiorum medicina testatum reliquit, in prima æstatis parte in pueris grassari plurimas Variolas pestiferas contagiosas, quæ oriuntur à veneficis vaporibus in aërem tunc à putridâ aquâ rivi fluminis (Nili) Caleg vocati, sublatis. Singulis etenim annis aucto eo flumine ad altitudinem decem & octo cubitorum, aqua ab ipso in rivum Caleg vocatum ingressa, perque ipsum transiens, totam urbem Cayrum permeat, fluitque semper per ipsam à tempore quo Nilum nuper dictâ altitudine auctum esse dixi, quousque flumen ipsum crescere desit, quæ finito augmento fluminis in alveo Caleg remanet, pauloque post stagnans facta putrescit, viridisque primo cernitur & mox nigra admodumque fœtida apparet, &c. A constitutione aëris variâ varios morbos exoriri Epidemicos naturæ determinatæ admodum probabile est. Pestilentiam quæ solos Boves jugula-

gulabat in Galliam irrepsisse memoria prodidit Fernel. anno 1514. Alia est pestis quæ inter equos in Anglia per biennium sæviit 1661. Vide *Hodg.* de peste Lond. p. 67. Plurimum sæculorum experientia observavit à brutis pestilentiam incipere, primamque stragem bestias populari, ita apud Homerum,

Ὀυφίας μὲν πρῶτον ἐπὶ ἄλλοις  
καὶ κύνες αἰγυῖς.

Alia autem est indoles pestis quæ homines jugulat, quam acceptam referimus aëri peculiari quodam quasi veneno tincto. Sic in hoc casu interdum talis contingit vitiosa aëris constitutio, quæ semina Variolarum fermentativa in actum deducit. In Islandiâ nostrâ Variolæ anno quoque vigesimo recurrenti grassantur; & certa est incolarum persuasio, sicut mihi fidem Islandi fecerunt, nullos qui eo anno quo Epidemicæ sunt, Variolis



*riolis non inficiuntur, attingere proximum annum vigesimum, nec superstites esse posse ad proxime recurrentem Variolarum terminum. Vel singulare hoc erit exanthematum genus cælo Islandico proprium, vel ingentis huius occultæ proprietate aliquid latet, quod per Variolas inquilinas expurgari debet. Inquit Barthol. Cl. de medicina Danorum, p. 166. videsis Epistolar. med. Cent. 3. p. 390.*

Cæterum hæc causa externa, *vid.* maligna aëris constitutio, Variolarum, non sufficit; causa etiam communis procatarctica investiganda est, quæ infantes, pueros, homines provecæ ætatis, senesque sexagenarios huic morbo obnoxios reddit. At huius affectus procatarxin assignare equidem difficile pensum. Ex opinione Mercurialis Variolæ in censum morborum novorum & hereditariorum rediguntur. lib. de mor-

morbis puer. c. 2. uti Arthritidis,  
 Epilepsiæ, Phthisis, Rabiei, Lithia-  
 sis: sed hæc opinio falso nititur fun-  
 damento; non raro etenim variolæ  
 evadunt Epidemicæ ac per totas  
 urbes, uti Cayrum, vicosque gras-  
 santur, testante Prosp. Alpino lib.  
 1. p. 23. At morbi hereditarii non  
 sunt Epidemici. His accedit, quod  
 plerique omnes hac labe correpti  
 perfecte convalescunt, & nunquam  
 recidivam patiuntur. Arabum my-  
 stæ, uti Avicenna eorum princeps,  
 Haly, Abbas, Averrhoës, Aven-  
 zoar, qui artem Apollineam ex-  
 coluere causam procatarcticam  
 hujus mali, sanguinis menstrui im-  
 puritatem assignârunt, quo singu-  
 læ fœtus particulæ aluntur. Hęc dia-  
 thesis morbosa ab impuritate san-  
 guinis menstrui solidis partibus vel  
 spermaticis potissimum reconditur  
 & exinde in sanguinẽ transit. Huic

opinionem astipulantur plerique omnes medicinae proceres. Quæ sententia non omnino improbabilis videtur. Quippe in utero muliebri generatur fermentum quoddam quod sanguinis massæ communicatum, ipsi vigorem & *indurationem* conciliat, ac de instans periodis turgescit & sanguinis superflui excretionem procurat; tempore autem conceptus-cum omnino desistunt menstrua, plurimum hujus fermenti fœtui impeditur, ejusque particulae cæteris quibuscunque heterogeneæ, velut extraneum quoddam, humorum ac sanguinis massâ confunduntur, cui involutæ & ab invicem separatæ diu delitescunt, ipsique ebullitionem ac deinde coagulationem inducunt, è quibus plurima hujus morbi symptomata oriuntur, inquit Will. de febribus. p. 254. In diversum ab it Cl. Thomas Barthol. sententiamque negativam defendit, Cista medica p. 598. cujus verba hic recensere

fere non gravabor contra Arabum  
sententiam militantiā. - - - San-  
guis enim maternus malignus non est,  
nec pro certo constat an sanguine illo fœ-  
tus in utero nutriatur, quum recentio-  
rum observationes & sententiæ dubi-  
tare nos cogant. Quicquid autem sit de  
istâ hypothesi quia cibi quicunque in ute-  
ro sugendi, matris vel rotur, vel vitrum  
referunt, partes embryonis effigiatas  
cernimus antequam matris sanguine in-  
digeant; præterea ex mensium inqui-  
namento variolæ mulieribus immine-  
rent, quoties suppressus esset ordinatus  
fluxus. Et difficile intellectu esset quo-  
modo reliquæ istæ materni sanguinis  
tamdiu interdum in corpore dilitescant,  
quod interea aliis morbis gravissimis  
sæpius fuit expurgatum. Nec omnes  
incadit lues, sed plurimos semel, alios  
bis, ter vè, nunquam singulos, eosque con-  
tagio vel causa externa. Scrupulum  
movent fratres loco diffiti, quorum uno

variolis affecto, alter sub alio sole vivens eodem tempore inficitur, quod non semel alias & nunc observatum. Sed ad maternum sanguinem recurrere nullâ cogimur necessitate, quum hujus sympathiæ alia reddi possit ratio, neque enim omnibus, neque in aliis affectibus succedit experimentum.

Ut hujus morbi causæ proximæ & continentis indoles magis innotescat, advertendum est, se habere instar fermenti. Ut enim fermentum liquori alicui admixtum, facit, ut liquor iste effervesce incipiat, ita fermentum variolarum in actum productum sanguinem turgescere & effervesce cogit. Hoc manifestum evadit ex qualitate ejus contagiosâ, quæ fermenti naturam induit; ut enim *μικρὸν ζυμὴν ὅλον τὸ φέμα ζυμοῖ*, exigua quantitas fermenti massæ farinacæ non fermentatæ mista facit, ut ipsa effervesceat,

seat, ita *μείγμα* Variolarum sanguini admixtum in motum febrilem concitat, coagulat, ad putredinemque disponit. Ut indoles hujus fermenti Variolis proprii magis innotescat, sequentes advertantur propositiones.

1. Fermentum Variolarum est malignum. Nonnulli in hac sunt sententia, Variolas non esse morbum malignum. Quod ad me attinet, nullus dubito quin *κακὸν θὲν νόσος* seu morbus malignus meritò audire debeat, seu spectes ejus ingeniū seu accidentia supervenientia, persuasumque habeo τὸ θᾶνόν, quod in morbis medicinæ dictator occurrere scribit, hic adesse. Malignitas ejus se prodit, 1. Contagione; Variolas esse contagiosas lugubri experientiâ luculenter patet. 2. Methodo medendi, quæ alexipharmacis temperatisque sudorificis peragitur.



gitur. 3. Prostratione virium sine causa evidenti, majori, quam pro natura febris; scil. aliquâ insigni evacuatione, vigiliis, doloribus, aliisque quæ vires prostrernere assolent. 4. Excretis, ut urinâ quæ non rarò est sanorum similis, conspicitur quoque subinde crassa & turbida, jumentorum instar, quæ magnam humorum ebullitionem significat. Adhæc evacuationes in initio morbi symptomaticæ, nimirum, hæmorrhagia narium, mensium nimius fluxus, fluxus alvinus, sunt morbi mali moris phænomena; vermes modò per alvum, modò per vomitum excreti in hunc censum sunt referendi. 5. Maculæ hinc inde in corpore erumpentes variolisque interspe se sunt malignitatis characteres. Magna est venenorum varietas, quædam ebullitionem febrilem in sanguine concitant; variasque



que alterationes inducunt, quædam sanguinem fundunt, quædam congelant & dein putredinem, & ad ambitum corporis eliminata discolorationem cutis, maculas & stigmata inducunt. *Ab ictu Scorpionis totum corpus conspergitur maculis nigris. Senn. l. 6. part. 7. c. 3. Ex morfu viperæ nonnunquam totum corpus in tumorem nunc rubescentem, quandoque etiam purpurascentem aut nigricantem attollitur, Senn. l. 6. p. 8. c. 8. Omnino fieri solet, ut ii qui veneno mortui sunt paulo post mortem toto corpore colorem primo citrinum aut subviridem, & post unam vel duas horas lividum aut nigrum acquirant, quod ab humorum substantiæ corruptione accidit. Inquit Senn. l. 6. p. 5. c. 3. Consimiliter in quâdam Variolis defunctâ totum corpus conspiciebatur tanquam flagris cæsum. Maculæ nigricantes in multis erumpunt, quæ sunt portiones*  
san-

sanguinis à veneno Variolarum coagulatae. 6. Malignitas hujus morbi sese propalat signis huic morbo pestique communibus, *vid.* horribus, vertigine, cephalalgia, palpitatione cordis, hæmorrhagiis, delirio, phrenitide, maculisque sive petechiis floridis, purpuraceis, lividisque, confimiliter ac in peste.

2. Est febrile. *Venenum diu in corpore latens sensim humores corrumpit, inde putredo fit & tandem febris accenditur, Senn. lib. 6. p. 5. c. 3.* Eæ febres comitatae appellari possint, quibus alia mala conjunguntur, nimirum, dysenteria, variolæ, morbilli, petechiæ, ait Senn. l. i. c. 16. de febribus. Zeilan insulæ fluvius Arotam piscosissimus est, cæterum pisces illi neutiquam esculenti sunt. E quodam genere unum, si quis manu capiat, continuo febre corripitur, amisso pisce, statim liberatur, idcirco eum Februm nominavimus, inquit Scal.

Exerc.

Exerc. 218. 8. 6. Hic piscis æmulatur naturam & activitatem fermenti, quo applicato sanguis fermentatur; sic ~~μύσμη~~ variolarum sanguini impressum fermentationem febrilem concitat, & nonnunquam insignem humorum ebullitionem. Febris Variolis comitata, est primaria essentialis continua cum putredine & maligna, quæ se prodit, æstu, siti intensâ, faucium ariditate, linguæque nigredine, capitis dolore, inquietudine, angustîâ circa præcordia, propter quam quiescere nequeunt, sed de latere in latus corpus volvunt sæpiusque situm mutant, ut in peste fieri solet. Quinetiam comitata spirandi difficultate, pulsu citato, fœtore anhelitus, putredinis sobole immediatâ, virium prostratione, diarrhœâ in principio morbi, & dysenterîâ, cordis palpitatione, maculis variis, urinâ,

rinâ tenui, crudâ, rubrâ, turbidâ, jumentorum simili, qualis excernitur peste correptis. Senn. l. 4. de febribus c. 40. de signis pestis. Febris Variolis comitata, quæ in morbi principio concitatur, si omnia naturaliter se habeant, Variolis egressis, cessat, & quum Variolæ suppurantur non rarò recrudesceat juxta tritum dictum: *Febris facit variolas & variolæ febrem. In variolis si sint copiosæ & prævæ ubi suppurare incipiunt, cum tota cutis sæpe intumescat & quasi inflammetur, solet nova febris, etsi prior ferè evanuerit, accendi, quæ interdum periculosior est quam prior & quæ non prius cessat quam variolæ sint maturatæ & resiccarî incipiant.* Inquit Senn. l. de morbis Inf. p. 2. c. 2.

3. Est sanguinis coagulativum. Variolarum miasma crasin sanguinis pervertit compagemque laxat, massam insigniter turgescere & ebul-

ebullire, & post aliqualem effervescentiam in partes secedere ac coagulare facit - - - *portiones sanguinis ita coagulatae, una cum implexis veneni seminibus, à reliquo sanguine in circuitu ejus, inter vasorum extremitates derelictae, cuti affiguntur. Willis. de febribus p. 257.* Hic inquirendum occurrit de indole hujus veneni, quod sanguinis coagulationem inducit. Philosophicâ utens libertate conjecturas meas, fas sit mihi in medium proferre, quas emunctionum examini offero. Animum incessit opinio hoc Variolarum miasma esse indolis salinae, acidæ. Coagulationem esse salium acidorum proprietatem apud medicos est in confesso, quod instantiis demonstrari facili negotio valeat. Si oleum vitrioli affundatur super oleum Tartari, coagulum emergit album. Sal urinæ in spiritum vini

con-

conjectum, eum coagulat. *Partes sanguinis serosæ ab infuso Acido sunt coagulabiles, qui concrescit per admixtionem peccantis cujusdam acidi humoris; quod experientia tuis exhibebit oculis, si cani vivo venam secueris, eique spiritum vitrioli infuderis, coagulabitur continuò sanguis, & qualem in putatitiis illis Polypis animadvertimus, concipiet duritiem. Kerckringius Obs. Anat. p. 146. Oleum vitrioli sanguini admixtum eum in thrombos grumescere compellit. Vidé Carlet. de scorbuto p. 81. Sylvii de la Boe Ideam p. 275. Coagulationem & extravasationem sanguinis in pleuritide acrimoniæ sanguinis acidæ ascriptam volunt medici, ideoque acida in hoc morbo inter prohibita habentur, quia sanguinem coagulant. In Variolis acida quævis nocent, hæc enim sanguinem magis congelant, & astrictione vasorum oscula contra-*



trahunt, ut variolæ minus liberè  
 erumpant; *μιάσμα* pestilentiali in-  
 esse spiritum salinum asserit *D. Hod-*  
*ges* in historia pestis Lond. p. 51. 52.  
 Febrium malignarum causam esse  
 sal tum volatile tum acre autumat  
*Sylvius* prædictus p. 565. Ac Vario-  
 lis inesse fermentum salinum fas sit  
 mihi opinari. Pruritus, horrores,  
 rigores, spasmi, tremores cordis,  
 lipothymia, non raro in hoc mor-  
 bo occurrentia sunt liquoris nimis  
 falsi acrisque indicia. Amplius, ex  
 hoc morbo convalescentibus au-  
 getur fames, quæ à succo acidior  
 in corpore redundante ortum du-  
 cit.

4. Est sanguinis corruptivum &  
 putredinale. Sanguinis coagulatio  
 ipsum ad putredinem seu corruptionem  
 citò disponit, ut videre est in sanguine  
 extravasato qui cito nigrescere & pu-  
 trere solet. *Willis. de febribus* p. 220.

Causa



Causa materialis Variolarum, ut dictum est, se habet uti fermentum quod ebullitionem & coagulationem sanguinis inducit. Quæsitum dignum est, qualis est illa sanguinis fermentatio quam miasma Variolarum concitat. Fermentatio est duplex, 1. Pura & perfectiva à putrefactione libera qua res naturales ad *αὐτότης* à naturâ destinatas evehuntur, qualis est in musto, mulso, Pomaceo, & Pyraceo, cerevisia, & terminatur in depuratione liquoris. Quidam sanguinem musto assimulant, & illum in vasis sanguiferis depurari hâc effervescentiâ asserunt, non aliter quam vinum in do-  
 liis ebullitione partes heterogeneas vel ad superficiem propellit, vel ad fundum præcipitat. At experientiâ patrocinate multo aliter se res habet in Variolis, massa quippe sanguinea correptis icho-  
 rosa

rosa & corrupta evadit. 2. Corruptiva cum putrefactione juncta, qualis contingit in febribus malignis, peste, & in venenis fermentationem habentibus. Ejusmodi sanguinis fermentationem miasma Variolarum inducit illumque coagulat, consistentiam naturalem vitiat, corrumpit, depauperat, ineptumque reddit morui in orbem. Putredo sanguinis satis se prodit odore cadaveroso & ingratiissimo, quem exhalant correpti.

5. Est prætenue & spirituosum. Fomite recondi & particulas contagiosas panno laneo adhærescere compertum habeo. Præ texturâ ejus subtilissimâ & agillimâ poros aëris pervadit, cujus vehiculo facili negotio præcordia subintrat, sanguinemque fermentat.

Causæ externæ, quæ hujus fermenti particulas exagitant & in actum

actum deducunt, sunt hujusmodi.

1. Dispositio aëris maligna, hujus morbi Ideæ analoga.

2. Causæ omnes calorificæ, prout exercitium immodicum, crapulæque quæ sanguinis perturbationem inducunt.

3. Contagium ab extra susceptum. Sæpe *Sarropolæ* occultaque effluvia è corpore infecto effluunt, & aëris poros penetrant, quæ per inspiratum per nares vel poros corporis ab aliis corporibus suscepta, semina morbifica in motum cient, potissimum in iis corporibus inter quæ est analogia, qualia sunt consanguineorum. *In humano genere novum non esse illos invicem morbis infici, peste, Variolis, etiamsi absentes, qui affinitate sanguinis & similitudine arctius inter se conspirant. Inquit Th. Barthol. Epist. med. Cent. 4. p. 261.*

## C. A. P. III.

*De Variolarum Temporibus.*

**I**ndigitatâ ad hunc modum fermenti Variolarum indole, jam proxime agendum de Variolarum temporibus. Apud Medicos tempora morbi à coctione & cruditate dependentis, sunt illa, quibus totius morbi decursus includitur; & sunt Principium, Augmentum, Status, & Declinatio, quæ tempora Variolis accommodanda.

I. Principium Variolarum supputes, à quo sanguis fermentare, æstumque concipere incipit usque dum erumpant. Hoc morbi stadium circa quartum diem sæpe absolvi solet, at non semper; quippe modò citius, modò tardius erumpunt, secundum individualement æ-

grorum constitutionem, aëris temperiem, materiæ morbificæ copiam, densitatem vel raritatem cutis è quâ erumpere debent. Nonnunquam die secundo apparent, vel tertio aliquando ad diem septimum usque prorogantur, quod semel observavi in puellâ annum ætatis tertium agente. In hac periodo multæ particulæ venenatæ in massa sanguinea dispersæ agglomerantur, & materiâ morbificâ ad venas & arterias capillares expulsâ, asperitudines rubræ erumpunt, instar acuum capitum, milii solis, vel ficuum seminum.

2. Post principium morbi ~~erumpit~~ succedit, & incipit à prima Variolarum eruptione usque dum incrementum & sanguine in pus mutato albescunt, vel à die quarto ad 8. vel 9. In hoc morbi stadio si omnia ex instituto naturæ succedant,

Fe-



Febris, sitis, inquietudo sedantur, aliaque symptomata paulatim mitescunt.

3. Proximè succedit <sup>ἄκμῃ</sup> morbi, quæ à septimo die ab exitu Variolarum exorditur & ad decimum vel undecimum protrahitur. In hac temporis periodo in tumorem elevantur Variolæ, albescunt, pruriunt, & incrustantur & de dolore pulsativo conqueruntur *correpti*, tandem decidunt hoc tempore, etiam quatuordecim diebus elapsis, multi diem suum obiêre. Stadia morbi prædicta non semper dierum numero exactè describi possunt, sed nunc sunt breviora nunc longiora, nunc plures nunc pauciores dies complectuntur, quibus facultas expulsiva est robusta, habitus corporis mollis, materia morbosa cocta, meatus corporis patuli, Variolæ foras amandantur

ocys, quam aliis. In hac periodo morbi prima Febris sæpe redintegratur ob *διάρροιν* impeditam à *πυλῶσι* pororum, cutisque constipatione ortam, & ab erroribus mulierum clinicarum in regimine commissis, quarum mentes vana incessit opinio, febrem esse necessariam ad suppurationem Variolarum promovendam; hoc tempore morbi nonnulli in delirium incidunt, & tunc spes est in angusto nisi delirium sit vigiliarum effectus.

104. Sequitur morbi *παρακμή* seu declinatio, quæ circa diem undecimum incipit & ad 14. protrahitur: tum ut plurimum Variolæ in scabiem incrustantur & areseunt, nonnunquam exsiccatio longius protrahitur usque ad diem vigesimum. In hoc morbi stadio nonnulli febre tentantur, quæ sæ-



pe ortum trahit è regimine æg-  
 rum plus justo calido. Alii diar-  
 rheâ laborant, oculorum Rheu-  
 matismo, cæcitate, tumoribus stru-  
 mosis circa collum, tumore pedum  
 cedematoso, capillorum defluxio  
 ob humorum pravitatem, & den-  
 tium casu. Nonnulli à pastu- intenso  
 vultus rubore, non rarò item cephalal-  
 giâ continuâ vel periodicâ afficiuntur, à  
 dyscrasiâ sanguinis, chymi recentis mix-  
 turam ægrè ferentis oriundâ ex Sent.  
 Will. l. de Anima c. de cephal. p. 272.

§ 285.

### C A P. III.

#### *De Variolarum Differentiis.*

**Q**UOD ad Variolarum Differen-  
 tias attinet non in diversas di-  
 rimuntur species, sed tantum in  
 differentias accidentales à proprie-

tatibus Ideam morbi comitantibus deductas.

1. Respectu quantitatis sunt magnæ vel parvæ, paucæ vel multæ, adeo ut sint contiguæ & confundantur; hæc malè ominantur.

2. A colore distinguuntur, sunt albæ & rubræ vel rubro cinguntur circulo, lividæ vel violaceæ, nigre, quædam sunt depressæ cum maculâ nigrâ in medio illarum; hæc sunt malignæ & ut plurimum tristici lethi prænuntia.

3. Respectu qualitatis, sunt benignæ vel malignæ. Nonnulli statuunt Variolas non esse malignas; at malignitatis phænomena utpote color niger, lividus, maculæ diversicolores Variolis interspersæ, rubræ, purpureæ, violaceæ, circa collum & thoracem, huic opinioni fidem detrahunt: Accedit, quod deliria, rigores, tremores, motus con-

vul-

vulsiui, veternus, malignitatem huius morbi produnt.

4. Quoad motum differunt Variolæ; in quibusdam foras protruduntur tardè, in aliis citius & aliquoties sat citò & copiosè erumpunt in facie, manibusque, & parçè in aliis corporis partibus & in statu emarcescunt, citius vel tardius.

5. Respectu figuræ, sunt rotundæ, fastigiatae, distinctæ, depressæ, & in illarum medio foveæ existunt, quæ postea attolluntur & turgent. Interdum in toto morbi decursu sunt malè figuratæ, quæ periculum intentant, sed quosdam taliter affectos evasisse non me latet.

6. Respectu tactus, aliæ sunt duræ verrucarum instar, aliæ molles sanie tenuiori turgentes.

7. Respectu subjecti, aliæ externas partes solum occupant, aliæ & externas & internas, inducuntq; fe-

brēm, respirandi difficultatem, in  
 intestinis dolorem, nonnunquam  
 dysenteriam; modo renes infestant,  
 unde urinae cruentae. Vide Cistam  
 medicam Barth. p. 594. Quibusdam  
 à morte dissectis, pulmones, jecur, lie-  
 nem omniaque interiora, haud secus at-  
 que cutem sordidissimis scatuisse maculis  
 inquit Senn. Vide Fernel. de morbis pe-  
 stil. c. 12. p. 476. Par. idem observa-  
 vit, l. 19. c. 1. Hoc satis comper-  
 tum habeo foetus in utero Variolis  
 laborasse, quosdam in lucem editos  
 Variolis scatentes novi. Vide Fab.  
 Hild. Cent. 4. Obs. 55. 56. p. 328.  
 Cistam medicam Barthol. 595. In-  
 terna etiam viscera exanthematis fœ-  
 dari non semel vidimus; - plerumque in  
 pulmones sese exonerans; infectus febris  
 acutae sanguis, putredinis in illis labem  
 imprimit. In Cadavere aperto Principis  
 Auriaci Wilhelmi Mariae nuper defun-  
 ctæ mariti, quem Variolæ quoque Hagæ  
 Comi-

Comitis 1650. jugularant, totus pulmo valde niger inflatus, inflammatus, sanguine nigro circumseptus dicitur. In cadavere aperto illustriss. Principis Regiæ Mariæ Auriacæ Londini Variolis extinctæ, annotarunt ad pollinendum vocati, Omentum esse semiputridum & prope lienem valde inflammatum; & lienem esse semiputrem, ventriculum superiori parte inflammatum intus aphthis multis; Hepar parte simâ maculis fœdatum & propè ad Gangrænam usque inflammatum cum summa parênchymatis flacciditate, pulmones ex utraque parte penè putridos & sanguinè nigricante plenos, & tota superficie maculis & pustulis insignibus conspersos, renem sinistrum ad inflammationem tendere, Barthol. Epist. medicin. c. 3. 389.

105.



## C A P. I V.

*De Signis Variolarum Diacriticis.*

**S**igna hujus affectus diagnostica, eum imminetem vel in fieri demonstrantia, à triplici fonte petuntur. 1. Ab Actionibus læsis. 2. Ab excretis. 3. A qualitatibus mutatis. 1. Ab actionibus læsis, scil. animalibus à particulis sanguinis malignis regimini animali suggestis, utpote Phrenesi, cephalalgia, vertigine ab anomalo spirituum motu profecta, delirio, somno profundo, inquieto & insomniis terrificis pleno, à vaporibus narcoticis poros cerebri corticales subeuntibus. Senn. l. 2. c. 19. de Infant. curatione. De rubedine faciei, siti, pulsu celeri, conqueruntur *Correpti*, de doloribus in variis corporis



poris partibus. 1. De dolore pun-  
 gente in latere à materia maligna  
 & acri pleuram vellicante. Sæpe ac-  
 cidere solet ut serosi interdum etiam  
 maligni humores ex venis in externos  
 lateris musculos effundantur, & gravis-  
 simos sæpe dolores non tamen diuturnos  
 & quidem sine inflammatione excitent :  
 Ita memini infantes aliquot gravissimos  
 dolores in pectore perpeßos esse, ante-  
 quam morbilli erumperent, qui morbillis  
 erumpentibus postea cessarunt. Senn. l. 2.  
 p. 3. c. 6. de dolore pectoris. Hic dõ-  
 lor pectoris nonnunquam speciem  
 pleuritidis præ se fert, Medicisque  
 adeò imposuit ut correptos quasi  
 pleuriticos curare tentarint, ni-  
 miamque sanguinis profusionem  
 præscripserint cum insigni famæ  
 jacturâ. 2. In dorso & cruribus;  
 dolor dorsi suas patitur exacerba-  
 tiones, & dolor acutus cum vo-  
 mitu conjunctus materiæ morbifi-

cæ copiæ est indicio: in sexu muliebri dolores lumborum parturientium præferentes, cum rubedine oculorum & spirandi difficultate copiam materiæ malignæ, eruptionem macularum instantaneam, sanguineas excretiones, nimirum, mensium fluxum, vel urinam cruentam prænuntiant.

Inter actiones læsas recensetur vomitus aliquando immanis propter Variolas ventriculum vellicantes, qui sponte cessat, Variolis foras propulsis.

2. Signa Variolarum in fieri ab Excretis, scil. urina, hæmorrhagiarum, vomitu. 1. Urinam quod attinet, variè se habet; interdum nullam subit alterationem sanorum similis, aliquando est flammea, vel rubra, quoad consistentiam ut plurimum est turbida & opaca, qualis jumentorum, quæ magnam hu-

tis

ris deprompta, sunt faciei rubedo  
& inflatio, rubedoque oculorum.

## C A P. V.

*De variis Symptomatibus in Variolis  
occurrentibus.*

**S**ymptomata, quorum satellitio  
hic morbus stipatus apparet,  
sunt sequentia.

I. Occurrunt excretiones sanguineæ à miasmate Variolarum sanguinem fundente, vasorumque oscula referante, æstu aëris adjuto; uti I. Hæmorrhagia narium ante & post Variolarum exitum, quæ Correptis contingit imprimis in æstate, quum ab aëre æstuante sanguis fluidior existit. Plerique omnes hunc sanguinis fluxum ferunt sine Variolarum subsidentia vel ulla insigni noxa, quandoque nimis profu-

prōfusus evadit mortemque infert.

2. Mensium fluxus, qui multis fœminis ac virginibus contingit in principio & progressu morbi quibusdam sine incommodo, aliis verò funestus evadit. 3. Sputum sanguineum in initio morbi.

2. Diarrhœa, à Variolis intestinalibus irritantibus & ad excretionis motum stimulantibus. Ex sententia vulgi, hæc evacuatio naturalis vel artificialis ægris multum officit, propterea quod motum materiæ peccantis à centro corporis ad peripheriam impedit, vel ad interiora retrocessum inducit; Sin experientiam consulamus, comperimus aliter plerunque Correptis accidisse. Pueros multos in principio, augmento & statu morbi fluxu alvi laborantes sine noxa adverti. Fœminam quandam meminisse Variolis correptam copiosis, quæ



quæ multis diebus hac evacuatione  
 laboravit, sine ullo incommodo  
 memoratu digno; huic pulverem  
 astringentem exhibui è Coral. rad.  
 torm. gum. tragac. sem. plantag.  
 sanguine draconis, troch. de spo-  
 dio, concinnatum, sed incassum, in  
 statu morbi diarrhœa sponte desi-  
 stebat & convaluit. Virum memini  
 qui postquam triginta sedes hæ-  
 buit, quando Variolis decubuit,  
 evasit. Interdum fluxus alvinus ac-  
 cidit in initio morbi & αἰματός sup-  
 primitur, Variolis jam egressis. Ex-  
 perientia me docuit, Correptos in  
 peiori esse statu qui supp. essa quam  
 qui soluta sunt alvo. Malè agunt  
 Medici vel medicæ qui ægiotes  
 constipatione alvi laborare per-  
 mittunt sex vel septem diebus; fæ-  
 ces etenim alvinæ in Intestinis de-  
 tentæ, putrescunt, vapores acres ad  
 caput emittunt, facultatem anima-  
 lem



lem perturbant, febremque adaugent. Melius ægrotis consulunt, ut opinor, qui alternis diebus, si alvus non respondeat voto, glande leni, excrementa alvi proritant. *Alvus nisi quotidie officium suum facit, lenissimo clystere vel glande stimuletur, Senn. l. 4. de febribus c. 12.*

3. Dysenteria ortum ducens à materiæ morbificæ *à la d'ore* super intestina, illorumque tunicas præ acrimonia corrodentis, & arteriarum oscilla referantis, exindè tormina ventris, copiosa sanguinis profusio, tandemque intestinorum spha-celatio, quæ omnia indicant, materiam morbificam esse mali moris, motumque ejus irregularem.

4. Inter Symptomata Variolarum Ptyalismum recenseo, i. e. crebram & involuntariam humoris viscosi & fœtidi sputationem. *In atiginosa nostra Hollandia ptyalismus ter-*

terminat plerunque seu fidissima crisis, febres etiam vehementissimas utique Variolas internas & interdum contumacissimos obstructi lienis affectus, in quibus nonnunquam ejusmodi pyralismus excurrit ultra mensis curriculum. Tulp. Obs. l. 3. p. 240. Advertendum est circa partes oris esse ductus salivales Stenonianos exteriores & Whartonianos interiores, per quos humores vitiosi & mucilaginosi, qui exigua renum aut cutis Colatoria pertransire nequeunt, subindè foras amandantur. Barthol. Epist. med. Cent. 3. 362, 389. Hanc salivationem observare est in febrium declinatione putridarum malè judicatarum, in tabidis deploratis. Id symptomatis in Variolis correptis videre est. Sanguinis depravati excrementa crassiora ad hæc oris emuntoria deferuntur & sputationem molestam cient, humor viscosus  
hoc

hoc pacto excretus aliquando foetidum expirat odorem. Juvenis quidam decimum octavum annum ætatis agens, aliquot septimanis post Variolarum declinationem ptyalismo laboravit, cum gulæ & gingivarum aliquali erosione, interdum è lecto elevatus, quo spiritum duceret, ad vitandum suffocationis periculum præ copia humoris in fauces decumbentis.

5. Symptomata Systematis nervosi in considerationem veniunt; quæ sunt, 1. Passiones hystericae in sexu foemineo. 2. Motus tremuli & convulsivi in maribus. 1. Passiones hystericae mulieribus accidunt aliquando cum Variolis decumbunt, quæ antehac in tota vita haudquaquam huic morbo obnoxiae fuerant. 2. Motus tremuli & convulsivi in maribus, pueris ac adultis : *Pueri sæpe epilepsia & convulsioni-*

*vulſionibus tentantur imminentibus  
 Variolis, cum ex humoribus vitioſis præ-  
 vi vapores eleuantur & Cerebri mem-  
 branas vellicant; ex ſententia Cl. Sen.  
 l. de infant. curatione p. 2. c. 10. Qui  
 Variolis jam egreſſis, ceſſant, &  
 quandoque paroxyſmi convulſivi  
 invadunt propter exanthemata  
 ſubitò evaneſcentia. Adultis pari-  
 ter contingunt à particulis materiæ  
 morbiſicæ ſaliſis & partes membra-  
 noſas irritantibus, qui nonnun-  
 quam in gutture exoriuntur, adeò  
 ut de cujuſdam molis aſcenſu in  
 gutture correpti querantur. Ado-  
 leſcens tertio die poſt Variolarum  
 eruptionem de præſocatione in  
 gutture querebatur; paulò poſtea  
 diatheſis ſpaſmodica plexum ner-  
 veum ganglioformem à quo propa-  
 gines in gutturiſ muſculos proten-  
 duntur, invaſit, reſpiratio difficilis,  
 agryia, deglutitio laſa excitantur, re-  
 gio*

gio abdominis, manus pedesque convulsionibus corripuntur, urina fuit suppressa horis 40, nulla adfuit salivatio, exhibui Sp. C. C. & Julapium anti-spasmodicum cum aliquo successu, sed ingruente morbi statu, ex hac vita emigravit. In aliis adverti dentium collisionem & stridorem ob convulsos temporum musculos, labiorum motum tremulum cordisque palpitationem à materia maligna nervos pericardii vellicante.

6. Multos Variolis laborantes vermibus infestari potissimum in æstate principioque morbi comper-  
tum est. Senn. asserit p. 2. c. 2. 10. *Tantum in Variolis fuisse humorum corruptionem, ut sub crustis vermes reperi-  
ti fuerint.* Apud Thom. Barthol. Epist. Med. videre est historiam pueri 4. annorum Variolis decum-  
bentis, è cujus naribus vermem spitha-



*mæ longitudine extrahabant adstantes, quo extracto, è vita discedebat statim. Gent. 2. ep. 85. p. 681.*

7. Tormina ventris nonnulli in principio morbi experti sunt. Juvenis de lumborum, ventrisque dolore adeo acuto conquestus est, ut vix fuerit ferendo, adstantes vix eum in lecto continerent, Variolis se in conspectum dantibus, ad plures abiit.

8. In hunc censum veniunt macularum varia genera juxta materiæ morbosæ mineram & Virulentiae gradus, varias corporis partes occupantium, maxime collum & thoracem; Hæ sunt 1. Rubræ, Petechiis affines vel Pulicum moribus persimiles, puncturæ vestigia si excipias. 2. Purpureæ. 3. Violaceæ & nigra: Hæ sunt Sanguinis portiones veneno tanquam coagulo congelatæ, velutique

etæ,



etæ, prout in Gangræna videre est. Vide *Hodg.* de Peste p. 141. Aliquoties hæc stigmata comparent ante & subinde simul cum Variolis, & præsagiunt Urinam cruentam vel mensium eruptionem. Mulier quædam in utero gerens Variolis correpta hæmorrhagiam narium passa est, fuit inquieta, de dolore dorsi immani conquesta est, exhibui *Pulv. Bez.* Magistrale, quem magnifacio, ex cochl. Syrupi è Corticibus Citri cum *supposia*, pacata jaccuit; postea bis hæmorrhagia narium tentabatur, sanguineasque excrevit urinas; dein multæ maculæ fatales nigræ & violaceæ efflorescebant, Variolis interspersæ, nonnullæ fuere in medio concavæ & in fovea apparebant puncta nigra, fluxum sanguineum remediis alexipharmacis sanguinemque sistentibus sistere satagebam; at in irritum

cade-

cadebant conatus, febris perseverabat, omnia in pejus ruebant, tandem abortum patiebatur vitamque cum morte commutabat. Juvenem memini Variolis copiosis laborantem, maculis purpureis interspersis, salivationem per totum morbi decursum passum esse, tribus septimanis elapsis satis cessit. In puella annum ætatis agente sextum vidi maculas nigras in collo, facie, labiis, lingua, jacuit soporosa, delirans, de dolore dorsi immani conquesta est, 14. diebus elapsis asthmatica obiit.

9. Lipothymia nonnullos corripit, quam particulis sanguinis coagulatis & in corde vasisque annexis stagnantibus acceptam referimus, vel spiritibus fugatis. Hæc animi deliquia per totum morbi decursum, at potissimum in statu occurrunt.

10. Hisce

10. Hisce adde suppressionem urinæ. Semel invisi adolescentem Variolis decumbentem dysuria laborantem, regionem Hypogastrii manu exploravi, tumor durus renitensque eo loci tangenti manui occurrit, 14. diebus elapsis animam expiravit.

11. Agmen claudat καρδίας πάλμῳ ab humorum putredine & corruptione ortum trahens, vel à nervis cardiacis à materiâ spasmodicâ irritatis dependens.

## C A P. VI.

### *De Signis Prognosticis.*

**R** Estant signa prognostica quibus de salute & morte præsagiunt Medici. Hoc in genere advertendum est, hunc morbum nunc magis lethalem esse quam multis

C

re.

retro annis fuisse, quod acceptum referimus potius sanguini diathesi morbosa feminali depravato & insigni alicui aëris ἀνομαλίῃ, quam Therapciæ perperam administratæ.

Signa prognostica occurrunt salutaria, dubia, funesta, quæ sunt huiusmodi.

1. In principio morbi cum ebullitio sanguinis febrilis est moderata, non adsunt vomitus immanes, aut acuti lumborum cruciatus, aut delirium; cum circa diem tertium Variolæ in conspectum veniunt, respiratio libera, Variolisque egressis febris, sitis, & symptomata maximè urgentia mitescunt, non sunt admodum numerosæ, distinctæ, fastigiatæ, multum salutis affulget spei.

2. Si in manibus & facie numerosæ & exiguæ apparent, & paucae vel nullæ in aliis corporis partibus erumpunt. *Correpti* interea temporis,

ris, febre, siti, inquietudine, respiratione difficili conqueruntur, in discrimine versantur.

3. Infantibus puerisque Variolæ erumpentes acervatim, instar ignis sacri in partibus corporis inferioribus, malè ominentur.

4. Vomitus immanes, febris intensa & perseverantia febris sitisque, post Variolarum eruptionem magna inquietudo, pruritus admodum molestus, pervigilia, veternus, phrenitis, deliquia animi, cordis palpitatio, motus tremuli & convulsivi, rem periculo plenam significant.

5. Cruciatus insignes in lumbis, cum respiratione difficili, anxietate, quum huc & illuc jactantur ægroti, & rubore oculorum conjuncti, naturæ oppressionem, materię morbigicę copiam significant, maculas purpureas vel Violaceas, sanguineas



neas excretiones, nempe, urinam  
cruentam vel mensium fluxum  
prænuntiant mortemque inten-  
tant, rarò vel nunquam evadunt.

6. Maculæ diversicolores Va-  
riolis interspersæ periculum por-  
tendunt, Rubræ omnium tutissi-  
mæ sunt, in pueris non sunt adeò  
funestæ ac in adultis, multi cum his  
evadunt. 2. Nigræ sunt funestæ,  
tristis Lethi præcursores. Color  
niger censetur ominosus. Vide  
Barthol. de luce Animalium p. 172.

τὰ πλεονήχοντα ἐς πύρρον συντομον θάνατον  
συνάλει, est effatum Hippocratis; hæ  
maculæ nil aliud sunt quam sangui-  
nis fiderationes, apparent subinde  
in medio Variolarum. 3. Ad hunc  
censum pertinent maculæ viola-  
cæ, quæ sunt pessimæ mortemque  
prænuntiant. S. H. Adolescens ve-  
neno Variolarum correptus de a-  
cerbo lumborum cruciatu conque-  
ritus



ftus est, confilio adstantium, qui  
 pleuriticum esse censebant, venæ-  
 sectio in brachio fuit celebrata, &  
 sanguis ad 3iiij præterpropter efflu-  
 xit, at sine levamine. Ad illum ac-  
 cerfitus fotum ex emollientibus &  
 anodynis concinnatum cum *υποεισ*  
 consului, & Bolum diaphoreticum  
 bis exhibui, exeunte quarto die de-  
 lirabat, vigilabat, oculi fuere in-  
 flammati, spirabat difficulter cum  
 anhelitus fœtore, urina fuit cruen-  
 ta, febrisque intensa, maculæ vio-  
 laceæ per totum corpus erupere,  
 nonnullæ denarii aream exæqua-  
 bant, quinto vel sexto die morbi na-  
 turæ pensum persolvit. Interdum  
 totum corpus maculis violaceis  
 scatet, & pauca vel nulla apparent  
 tubercula. In puero quamplurimas  
 maculas violaceas vidi, cujus cor-  
 pus velut floribus violarum inter-  
 pictum fuit, paucas Variolas vidi,

jacuit elinguis & soporosus, circa  
quartum diem mortem obiit.

7. Dysenteria mortem portendit, maculæ purpuracæ cum dysenteria cruenta (quod in adolescente animadverti) sunt funestæ. *Ex omnibus pueris Variolis laborantibus, quos mihi (ita loquitur Riverius) totâ vitâ videre contigit, hic unicus fuit qui ex alvi fluxu sanguineo evasit, sed in cæteris certum mortis præsagium fuit, magnâ præsertim sanguinis copiâ effluente.*

8. Inter signa mala recensetur Delirium. 'Εν πάσι νόσοις τὸ ὑπὸ τῆς διάνοιας ἐν τῷ ἔχειν πρὸς τὰς θεωρούμεν, ἐκ γὰρ, τὸ δὲ ἐναντίον, καὶ οὖν, inquit Hipp. l. 2. Aph. 33. Deliria quæ contingunt in primo hujus morbi insultu ante pustularum exitum periculum vitæ non minantur, nisi alia signa lethalia simul apparuerint, cessant etenim ut plurimum, Variolis jam egressis;

egressis; at si ægrotantes post somnos profundos, delirent in morbi augmento, vel statu, & si Delirium in statu morbi non sit Vigiliarum effectus (quod interdum accidit) sed ex vi morbi profluat, res est in angusto, in magno versantur periculo.

9. Egri soporosi ægrè convalescunt, adolescentem & mulierem dormientes mortem obiisse cognovi.

10. *Haemorrhoides* Variolarum inter signa recensetur funesta. Interdum propter frigoris susceptionem, vel spirituum defectum, vel materiæ morbificæ redundantiam, quam natura succumbens ad ambitum corporis expellere nequit, Variolæ ad interiora recurrunt, visceraque interna occupant, & non solum sanguinem inquinant & putrefaciunt, sed & succo nervoso lymphæ

phæque magnam aspergunt labem, adeò ut suis officiis ad Biolychnium perennandum defungi nequeant.

11. Qui Londini Variolis inficiuntur, statimque duorum vel trium dierum iter conficiunt, propter humorum agitationem & perspirationem impeditam, rarò evadunt.

12. Diarrhœa fluxusque mensium sunt signa dubia at non funesta; memini virgines quarum corpora Variolis scatebant, quæ Diarrhœamensiumque fluxu ad statum usque morbi laborabant, evasisse. Puerperas novi Variolis affectas cum lochiorum fluxu, convaluisse; exemplum hujus rei apud Will. l. de febribus p. m. 297. videre est.

13. Si tumor faciei nimis citò subsidat cum recurso Variolarum, non parum imminet periculi.

## C A P. VII.

*De Variolarum Therapeia.*

**M**ethodus Therapeutica duas præcipuas suggerit indicationes, *vid.* curatoriam & vitalem. Curatoria quæ morbum spectat, de quâ primò dispiciendum est: Morbus de quo sermonem instituimus sua habet tempora, ideoque intentiones curativæ hisce quadrare debent. Quare advertendum, quid agendum sit in singulis hujus morbi stadiis. In principio methodus therapeutica has potissimum intentiones medendi suggerit; nempe  
 1. Ut exitum Variolarum prohibentia removeantur. 2. Ut exitus Variolarum adjuvetur. 1. Incumbit Medico remove Variolarum egressum prohibentia: hæc sunt;

1. Cacochymia in visceribus.

2. Sanguinis plethora in vasis.

1. Cacochymia in visceribus in considerationem veniat; hæc tutò evacuari potest paulò antè vel in primo insultu sanguinis fermentationis *anno æstivis* medicamentis (correcti etenim sunt facili solutionis) vel leni emetico. Purgationes naturâ vel arte institutæ apud vulgus malè audiunt, quod nimirum materia peccans à peripheriâ corporis ad centrum attrahatur, viresque prosternantur; at hæc evacuatio non tam exitiales edit effectus uti multi autumant: natura non rarò in principio morbi fluxum alvini molitur cum levamine, parte oneris depositâ. Quo natura premittitur se accingit alacrius ad exitum. Variolarum promovendam. Vide *Trentz.* p. 96. Exonerat partem materiæ peccantis quæ habet ration-



rationem causæ febris antecedentis, præcaverit ventriculi ægritudinem, viam sternit specificis mox subsecuturis, ut liberior aperiatur in vasa chylifera transitus. *Si Diarrhæa fuerit in principio non nocebit, inquit Epiph. Ferdinandus.* Amplius, purgatio minorativa ex usu erit revulsivis gratia, quum materies morbifica caput vel gulæ glandulas invadit, aut anginam minatur. Corydon quidam nuces parvas ingurgitavit, exinde male habuit, hoc tempore illum inceffit Variolarum contagium, vomitorium obnixè efflagitavit, quod operationem suam commode peregit, postridie Variolis apparentibus sponte, memero, cepit tres pilulas purgantes & sex habuit sedes, & bene habuit per totum morbi decursum.

2. Plethora sanguinis in vasis.

Quod ad sanguimissionem attinet,

quâ plethora sanguinis diminuitur; quibusdam casibus laudabili cum successu celebrari posse, censent non infimi subsellii Medici. Vide cistam medicam Barthol. p. 600. Sanguis extrahendus est intrepide contra mentem illorum, qui humorum retrocessum timent, quoniam hoc spreto remedio plerunque æger copiâ obrutus suffocatur, vel nonnunquam immedicabilia symptomata subcrescunt, quæ difficulter admodum corriguntur; tantum enim abest ut vena secta, retrocedat humor, quin potius levata sarcina, natura eum ad circumferentiam expellat, ut etiam apparentibus exanthematis; si plethora adest, sanguis mittendus, hanc conjicies ex venarum tumore, tactu mordaci, rigoribus continuis & inordinatis ait Font. p. 119: Vide Senn. p. 418. Mos sanguimissionis in Variolis apud Ægyptios obtinuit, attestante Prof. Alpino libro de medicinâ Ægyptio-

gyptiorum. l. 2. fol. 43. Sed ut particulatim rem colligam, ac perstringam, dico eos confugere ad missionem sanguinis in omnibus putridis febribus pestilentibus atque in omnibus internis inflammationibus. Quin si dyspnœa adfuerit cum exanthematibus, interdum ad phlebotomiam venimus. Ita Nobil. Comitissæ Egmondæ Franciscæ Admiralli filix venam pertundi jussi, cum exanthemata non satis prodirent idque felici successu, inquit Heurn. in Aph. Hipp. 15. p. m. 102. Ludovico 14. Gallix regi Variolis malignis correpto ter venæ sectio fuit administrata, perhibentque regem Gallix jam regnantem 10 vel 11, & regem Hispanix anno 1673. multoties fuisse phlebotomatum. Multos cognovi 5. vel 6. in una familia adultos qui suapte natura hæmorrhagias narium passi sunt usque ad 18. vel 20. uncias sanguinis magno cum commodo, inquit Stubs. in respon-

*responso contra Thomf. aliosque p. 214.*  
*Vide Will. de febribus p. 262, 267.* E-  
 go quidem nunquam hanc evacua-  
 tionem ex professio præscripsi ante  
 Variolarum egressum, at nil dubi-  
 to quin interdum ex usu erit si pru-  
 dentia medica administretur. Non  
 abs re fore videtur si casum unum  
 memoratu dignum in medium pro-  
 feram. T. S. Variolis correptus  
 in principio morbi in hæmorrha-  
 giam narium incidit, sanguisque  
 profluebat ad uncias ad minimum  
 septem, quam evacuationem citra  
 noxam ferebat, pustulis abunda-  
 vit, decimo tertio die morbi de  
 punctura lateris sinistri conquestus  
 est, dyspnœa, tussi dolorifica, spu-  
 tum fuit crassum, cui paululum  
 sanguinis permixtum est, alternis  
 diebus febricitabat; dolor lateris  
 pungens, ingruente paroxysmo fe-  
 brili, qui fere Typum Tertiana re-  
 fe-

ferebat; recrudescerebat; eodem tempore dolore ventris tentabatur propter intestinorum distentionem cum aliqua urinæ suppressione; suppositorium lenē in anum immitti curavi, & sacculum ex avenâ tostâ imo ventri admoventum consului cum laudabili successu, urinam vel alteram sedem habuit & libras duas circiter urinæ excrevit, venam in brachio tundi jussi & effluxit sanguis ad uncias 4 vel 5, quo pacto dolor lateris fuit sedatus & ægotantem ab Orci faucibus <sup>ubi dēp</sup> vindicavi. In declinatione morbi macilentus & surdus evasit, at impræsentiarum satis commode se habet. Multiplici experientia constat multos hunc affectu laborantes sanguineas excretionēs pati, nimirum, hæmoptysin, hæmorrhagias narium, sine diris symptomatibus. In sententia sunt nonnulli, Medi-  
cum



cum naturæ ministrum, hunc naturæ motum imitari debere; sed de hoc nonnihil occurrit dubii, siquidem hæ spontaneæ sanguinis profusiones non sunt criticæ sed symptomaticæ, quæ non sunt à Medico imitandæ. Verumtamen quum evacuationes sunt potius proficue quam exitiales in plethoricis, ut observatione constat, profusio sanguinis artificialis tam malè audire non debet apud vulgus. Vide Barthol. cistam medicam, 51, 603, de medicina Danorum p. 428, 429. Quando pororum constrictio adest, magna sanguinis ebullitio cum plethorâ quoad vasa conjuncta, adeoque natura humores regere non valeat, sed imminet periculum alicujus vasis ~~intestini~~ vel materiæ morbificæ ~~circulationis~~ super viscera, dysenteriam vel super renes urinam cruentam producentis, in hoc casu, ni fallor,

lor,



lor, sanguinis dimissio diminuta egrotum sublevabit, impedit enim stagnationem sanguinis in præcordiis, habitum corporis relaxat, perspirationem promovet. Vulgaris objectio venæ-sectioni adversans in Variolis, sic se habet: Trahit à circumferentia corporis ad centrum & ex consequenti materiam *vorsen*, & præterea vires atterit, contra indicationem vitalem, cujus ductum potissimum sequi medico incumbit. At huic objectioni satisfacere satagunt nonnulli, respondendo quod phlebotomiâ diminutâ natura parte oneris depositâ, faciliori negotio ad ambitum corporis Variolas exterminat.

Hiscæ prælibatis de remotione exitum Variolarum prohibentium, *vid.* cacochymix & sanguinis plethoræ, proximè sequitur ut sermonem instituamus de Variolarum expul-

pulsione. In dubium vocatur an auxiliantem huic morbo manum ministrare debeant Medici, propterea quod Variolarum eruptio sit crisis febris vel motus criticus, quo tempore omnia naturæ rectè agentis ductui sint committenda ratione diætæ bene institutâ, & Medicos quod attinet esse spectatores non actores ex præcepto Hippocratis oportet, τὰ κεινόμενα ἢ κειμένη ἀγτίως, μὴ κινεῖν μηδὲ πωτοποιεῖν μήτε φαρμακίσαι μητ' ἄλλοιαν ἐπεισομίην, ἀλλ' εἶναι. I. Aph. 20. Non est extra dubium eruptionem Variolarum esse verè criticam; nisi male memini, Zibesium in tractatu de Variolis negat esse propriè dictam Crisin, & sententiam rationum momentis non contemnendis munit. Sed hoc supposito, quod expulsio Variolarum sit crisis febris putridæ, attamen quando natura non rectè se gerit, sed peccat vel in  
de

defectu vel in excessu, Medicus naturæ minister, suppetias naturæ ferat oportet, & in hoc casu quamvis Variolarum expulsio ad ambitum corporis sit crisis vel motus crisi analogus, quando motus hic sit tardus obstetricatur *interdum*, Variolæque non sunt probe figuratæ vel coloratæ, vel symptomata supervenirent mala, vel aliquid humanitus accideret, nimirum, animi deliquia, evacuationes immoderatæ, Variolarum subsidencia, Medicus debet esse Actor non Spectator, sedulamque navare operam, ut omnes naturæ functiones ritè peragantur. Curriculo duorum dierum, ut mea fert opinio, à remediis expulsiis abstinendum, postea pro re natâ sunt exhibenda. Variolæ, si sint paucæ & benignæ, solâ victûs ratione, quam Hippocrates tutissimam medicinam appellavit, curari solent, &

non.

nonnunquam officiosa sedulitas plus obest quam prodest. At si natura Variolas segnius emittat, quod innotescit febris fitisque perseverantiâ, vigiliis, inquietudine, delirio, dispnœâ, suppetiæ naturæ ferendæ, motusque à profundo corporis ad ambitum auxiliis diaphoreticis adjuvandus est. In decursu morbi vires Cardiacis temperatis reficiendæ, malignitas morbi Alexiteriis oppugnanda, lenisque diaphoresis continuanda. Huic usui inserviunt pulveres & julapia expulsiva. E. G. ℞. Spec. de Hyacintho, è chelis cancr. comp. ʒß. lapid. Bez. gr. 7. m. f. pulvis pro duabus dosibus, capiat unam ex cochl. Syrupi citr. & superbibat ejusdem Syrupi aliud cochlear vel Julapii appropriati haustum, post 6. horarum intervallum capiat alteram. ℞. radicis contray. antimonii diaph. ana ʒß. cocc-

℞. cocc. baptist. ʒi. cum f. q. mucilag. gum. tragac. f. Tabellæ, dosis  
 ʒ℞. ad ʒ℞. Ad hunc censum pertinet  
 Spiritus C. Cervi ter in die exhibi-  
 tus ad gutt. 10. vel 12. in liquore  
 possetico, vel Julapio appropriato.

℞. Pul. Gascon. rad. contray.  
 Serp. Virg. à ʒi. f. pul. detur in cochl.  
 aquæ theriacalis superbibendo  
 haustulum ejusdem aut Julapii  
 Cardiaci.

Qua methodo quibusque potis-  
 simum remediis symptomatis  
 hujus mali urgentibus occur-  
 rendum?

Medico incumbit non solum ad  
 hunc scopum collimare ut motus  
 naturæ expulsivus adjuvetur, sed  
 etiam ut symptomatum maximè  
 urgentium furorem compescat, quæ  
 ægrotos in periculum vitæ præcipi-  
 tant.

Hæmor-

## Hæmorrhagia Narium.

Ad Hæmorrhagiam narium sistendam turundâ utemur confectâ è foliis urticæ urentis contusis & pulvere fuliginis è fundo lebetis collecti, naribus inditâ. Sacculus cui inerat Bufo, exiccatus & contusus circa collum suspensus Hæmorrhagiam narium sedavit in Adolescente Variolis decumbente, testante Willisio l. de febribus p. 266.

## Oris Vitia.

Ad Gulæ, faucium, orisque defensionem, ne nimium expellantur Variolæ, utemur hac oris collutione à Regio præscriptâ, *vid.* \*. Aquæ plantag. ℥i. aquæ hordei ℥ss. florum ros. rubr. p. i. Balauft. zii. semin. sumach. zii. decoque ad Tertias, Colaturæ adde diamori, syrupi granat. anaz. m. f. Gargarisma. \*. diamoriziiii. mel. rosati ℥ii. Aquæ rosar. ℥i. Olei sulph. q. s. ad gratam  
acidi-



aciditatem. f. Garg. ℞. Cortic. inter.  
ulmi ℥iii. decoque in ℥iii. aquæ fon-  
tanæ ad ℥i. Colaturæ adde diamori,  
syrupi granat. cum Aceto ana ℥i.  
Frequenter lambat ex baculo glyc.  
hunc linctum. ℞. Syrupi Granat.  
cum aceto ℥ii. sacchari penid. ℥iii.  
Syrup. e ros. siccis, diamoriana ℥℔.  
spec. diatragacanthi frigidi ℥iii. A-  
nyli ℥ii. Misce.

#### Vigiliæ nimia.

Contra vigilias nimias capiat  
æger diascordii ℥ii. vel diacodii ℥ii.  
vel ℥℔. in aquâ papaveris erratici.  
Tempora inungantur oleo chym.  
nucismyristicæ.

#### Deliria.

Si deliria superveniant plerique  
commendant pullos columbarum  
vivos per medium dissectos, plan-  
tisque pedum admotos, vesicatoria  
etiam scapulis applicata ex usu  
erunt.

Ischu-

## Ischuria.

Contra Ischuriam Julapium ex aquâ petroselini, spiritu bacc. sambuci, cum pauxillo pulv. ocul. canceror. & Syr. de althæâ, cum successu propinavi.

## Fluxus mensium nimius.

Contra fluxum mensium nimium, D. Will. l. de febribus, p. 288. hanc methodū præscripsit successū probatam. \* Rad. torm. ʒii. boli Arm. ʒi. spec. de Hyac. ʒʒ. m. f. p. \* Aquæ scordii comp. dracuntii, ulmariae ana ʒiii, aceti ther. ʒʒ. syrupi è Coral. ʒii. C. C. usti ʒʒ. capiat ʒʒ. pul. cum cochl. tribus Julapii, intervallis 3. horarum. Ad sistenda Lochia conducunt rad. torm. & bistortæ in ægrot. jussculis incoctæ; Pulveres & julapia vi astringenti & Alexiteriâ pollentes exhibeantur.

## Alvi fluxus.

Contra alvi fluxum conducunt con-

conserva ros. rubr. C. C. ustum, tro-  
chisci de terra Lemniâ, diascor-  
dium, semen Coriandri, Cinnamo-  
mum, cocc. baptist. Julapia, ex aqua  
plantaginis, cinnamomi, hordeatâ,  
cydoniorum, germinum quercus  
cum diascordio & Syrupo è Coral.  
vel è rosis siccis concinnata.

### Convulsiones.

Contra motus convulsivos ve-  
niat in usum hic pulvis, *vid.* r. Mar-  
garit. P. P. spec. de Hyacintho, co-  
ral. rub. P. P. succini albi, rad. pæo-  
niæ, semin. ejusdem, Rutæ, cranii  
humani, ana ʒi. ungulæ Alcis ʒß. f.  
p. subtil. capiat è Julapio specifico,  
plurimum valet Sp. C. C.

Hisce prælibatis de Indicatione  
therapeuticâ, proxime sequitur ut  
sermonem instituamus de Indica-  
tione Vitali, quâ includuntur ratio  
victus & medicamenta Cardiaca in  
Variolis requisita. Quod ad Regi-  
men

men attinet bene institutum ad ægrotantium salutem plurimum valere experiētiâ constat, quod nec calidum nec frigidum, ut mea fert opinio, sed temperatum esse oportet. Medico incumbit ministrisque operam navare, ut temperies & motus sanguinis in tenore æquabili conserventur ne febrile Incendium accendatur, victus sit tenuis præsertim à primo die ad quartum, ac Alimentum sit medicamentosum. Cibi sint εὐχάμοι καὶ εὐπρέπτοι, crassi evitentur. In usu erit edulium quod Panatellam vocant, abstineant à liquoribus valdè spirituosus vinoque generoso. Cavendus magnoperè vini usus, præsertim ubi febris adfuerit, quippe quod & febris focum accenderet & paroxysmis epilepticis, convulsionibus, ipsique morti etiam ansam præberet, *Trentzelius p. 100.* Vim narcoticam habere asserit *Platerus,*

terus, praxeos tr. 1. l. 1. c. 2. p. 31.  
 & 107. *Turcæ & Egyptii vino quasi  
 opii succedaneis utuntur; Prosp. Alpinus  
 de medicina Egypt. l. 4. c. 48. Potus  
 fit liquor posset. rasura C. C. & Ca-  
 lend. floribus alteratus, vel cerevi-  
 sia tenuis. Somnus & vigiliæ me-  
 diocriter se habeant. Evacuationes  
 consuetæ secundum naturæ mo-  
 dum procedant, fugiantur timor &  
 tristitia, hæ etenim animi passiones  
 sunt motivæ ad intrâ, per totum  
 morbi decursum lectis sint affixi ne  
 diaphoresis inhibeatur, sed stragulis  
 ne sint nimis cooperti.*

Quæsitum hic loci dignum est, an  
 regimen calidum vel frigidum sit  
 ægrotis periculosius; si fas sit mihi  
 meas proponere conjecturas, expe-  
 rientiam edoctus existimo regimen  
 plus justo calidum esse periculo-  
 sius quam frigidum. Observatio-  
 ne constat plures æstate Variolis  
 D 2 de-

denatos fuisse quam in Hyeme. Apud nos in quadrâ anni vernali & ineunte æstate imprimis hic morbus suam peregit tragœdiam. Quod manifestum evadit si ad calculos vocemus eorum numerum qui in nostro oppido & parochiâ in censû Libitinæ adscripti sunt annis nuperis 1671, 1672. In mensē Junio, numero 6. Julio & Augusto 11. circiter Sept. 2. Octob. 3. Decemb. Januar. Feb. 1. tantum 1672. In Martio 3. vel 4. In Majo 11. Junio 8. Jul. 1. August. 5. Sept. 1. Octob. 4. Consuetudo invaluit apud mulieres clinicas & Medicastras quæ therapeiam hujus morbi optimè se callere venditant regimen nimis calidum imperare. Ad refocillandas vires valde spirituosos propinant liquores, quibus sanguis nimis effervescit, febris accenditur & œconomia animalis perturbatur. Nonnullos



nullos correptos cibis solidis faciunt scil. carne porcinâ (quæ perpirationem impedit juxta Sanctorii sententiam) brassicâ, porris, puliculâ, ut Variolæ scil. turgescant, sic ludunt Corio humano & *Patientes* cum *Paracelso* pleno ventre curant.

Quod medicamenta Cardiaca attinet, plurima recensentur à Præticis, quæ in hunc elenchum conjiçiantur. Aquæ scilicet simplices & compositæ, *vid.* aqua florum Calend. C. B. Dracuntii, melissæ, ulmaria, Totius Citri, florum Aurant. Compositæ; theriacalis, scordii, Bezoard. angelicæ: epidemica, Pulveres Cardiaci, *vid.* pulvis è chelis cancrorum compositus, Bolus Armenus diaphoreticus, species de hyacintho, pulvis cocc. Baptist. Antimonium diaphoreticum, Bezoard. minerale, lapis Bez. Pul. contrayer-

væ, Serp. virginianæ, Pul. Mag. Bez.  
 quo vix datur præstantius reme-  
 dium præsertim quum *Correpti* ja-  
 ctatione, dolore vigiliisque nimis  
 laborant) Radix contrayervæ. Pul-  
 vis Bezoard. Will. Pharm. Ration.  
 p. 139. Syrupi *vid.* Garyoph. luj-  
 læ è succo & corticibus Citri. Ele-  
 ctuaria scil. ex ovo, diascordium,  
 Theriaca Andr. & Londinensis de-  
 cocta, scil. ficuum (quæ insignem  
 vim habent pellendi humores ad  
 cutem juxta sententiam Senn.) flo-  
 rum calend. C. C. raspâti in liquo-  
 re posset. formulas quasdam subde-  
 re non abs re erit, judicio pollentes  
 pro re natâ formulas aptas concin-  
 nare possunt. ♀. Aqu. dracuntii, ul-  
 mariæ. C. B. ana ʒi ʒ, Pul. rad. con-  
 tray. antim. diaph. ana gr. 6. conf.  
 Alch. de hyacintho ʒii. Syrupi ga-  
 ryoph. vel è corticibus Citri ʒi. mi-  
 sce f. Jul. ♀. aq. flor. calend. C. B.

ana

ana ℥ii℥. scordii compos. ℥i℥. Tinct.  
croci ℥℥. Syrupi garyoph. è cortici-  
bus Citri ana ℥i. m. capiat cochl. 4.  
tertia quaque hora. ✕. C. C. Raspa-  
ti, rad. scorz. ana ℥℥. flor. borag.  
bugl. calend. ana M℥. coq. in s. q. a-  
quæ hordei vel liq. poss. ad ℥i℥; co-  
laturæ adde Syrupi garyoph. Luju-  
læ ana ℥i℥. Aquæ scord. comp.  
Ther. ana ℥ii. sumat ℥iiii. 3 vel 4  
quaque hora tepide.

Q. 1. An sudorifica in Variolis  
sint exhibenda? Aff.

Si Variolæ sint mali moris, potis-  
simum sudorificis insistendum in  
Hyeme & corporibus densi habitus  
sunt proficua; nam 1. Humores at-  
tenuant & viam sternunt Variola-  
rum expulsionem. 2. Causæ morbo-  
sæ expulsionem adjuvant, poros  
corporis aperiunt, per quos Variolæ  
emergunt; sed caute sudorifica sunt  
exhibenda eorumque delectus ha-

bendus. 1. Temperata sunt præferenda. 2. Moderate sunt exhibenda ne humor qui Variolas turgescere facit exhalet, & vires attenuantur. 3. Ex eorum numero esse debent quæ Alexiteria appellantur, ut simul etiam fermentum morbosum infringere valeant. 4. Usus eorum est protrahendus ad tertium diem quando fermentatio sanguinis febrilis sit parum remissa.

2. Q. Quo in casu Cardiacæ calidæ in Variolis conferantur?

*Cardiacæ moderatæ aliquoties in die propinare solemus, calidæ autem & fortiora sedulo vitentur. Will. l. de febribus*  
 263. Cæterum si contingat Variolarum recursus, locum habent Cardiacæ calidæ, sanguinem etenim exagitando expeditiori in orbem motui restituunt. Quandoque in statu morbi *Correpti* de deliquiis animi quærentur ab errore externo vel sanguini-

sanguinis stagnatione in corde vas-  
sisque appensis cum dispnoea, febre  
absente; in hoc casu experientia di-  
dici cardiaca calida, ex aqua Bez.  
Tinctura cinn. sine moscho con-  
cinnata profuisse, sanguinem fluxi-  
lem reddunt, spiritusque animales  
exfuscitant,

3. Q. An scabies & pruritus sint  
contra Variolas *αεφυλακή*? N.

Vulgaris invaluit opinio scabiem  
ac pruritus infantes defendere con-  
tra Variolas, propterea quod hi  
morbi sanguinis impuritates ad  
corporis habitum eliminant; at  
huic opinioni experientia refraga-  
tur, scabie & pruritu affectos Vario-  
las corripere non sum inscius, è qui-  
bus nonnulli Variolas in toto cor-  
pore consitissimas habuere & Fatis  
concessere.

An Phantasia Variolas produce-  
re possit? A.

Phan-

Phantasia cum sit facultas cognoscitiva, cujus actus est immans, non est principium motus elicito, non movet per se & directe facultatem locomotivam, spiritus vel humores, nec formaliter per se alterare corpus potest; Attamen per accidens & indirecte, mediantibus operationibus aliarum potentiarum, seu humorum, potest esse causa multorum effectuum & alterationum in corpore, vim habet modificandi, seu determinandi motum sanguinis, vel humorum versus hanc vel illam partem; movet salivam ad os, videntes alios oscitantes, oscitamus. Et vim habet dirigendi facultatem conformatricem, signaturas foetui imprimendi. Cujus rei exempla passim extant. *Ipsè vidi fœminam cui gravidæ sub Moro stanti, mora aliquot in dorsum inciderunt, unde Infans ex ea natus totidem excrescentias*



*tias mororum figuræ similes in dorso  
 habuit. Senn. l. 5. p. 2. Sect. I. c. 5. Fœ-  
 mina quædā prægnans Cerasa con-  
 cupiuit & cū potiri non potuisset,  
 in filio vidi maculam rubram in  
 maxilla quæ cerasum referebat. Al-  
 tera uvarum desiderio flagrabat, in  
 nucha filii vidi verrucam botro uvæ  
 assimilem. Phantasia primo me-  
 diantibus animi passionibus vid.  
 Timore, vel tristitiâ & mediante  
 motu humorum & spirituum, hu-  
 mores vitiosos in corpore latentes  
 agitat & in motum deducit: per ni-  
 miam imaginationem de peste plu-  
 rimi in pestem incidunt, uti refe-  
 runt Authores. vide Senn. l. 4. c. 1.  
 defebribus & c. 2. Aliquot præ ti-  
 more unâ nocte canos evasisse; a-  
 lium ad supplicium ductum solo linteo a-  
 qua frigida in collum percussum mor-  
 tuum concidisse memorant. Fienus de  
 viribus imaginationis, p. 322. Cl.  
 Boyl.*

Boyl. refert de quodam Centurione qui mortis imaginatione forti unâ nocte canus evasit. De repentina canitie è mœrore & timore suborta exempla collegit Marcellus Donatus de Hist. med. mirab. l. 1. cap. 1. & imaginationis miros affectus recenset, l. 2. c. 1. Quod ad rem propius attinet habes exemplum à Cl. Boyleo allatum de quadam domina, quæ vi imaginationis in Variolas inciderat, lib. 2. de utilitate Philosophiæ experimentalis, l. 5. c. 14.

FINIS.

o-  
rti  
n-  
re  
el-  
b.  
ros  
od  
m-  
ua-  
nis  
uti-  
lis,

8.

28



